




Ա Ր Ա Ր Ա Տ

ԹԻԻ Բ. — ՇՐՋԱՆ ԺԵ.

1882

ՏԱՐԻ ԺԴ. ՓԵՏՐՎԱՐ 28.

ՊԱՇՏՈՆԱԿԱՆ ԾԱՆՈՒՑՈՒՄՆ

Ս. ՄԻՒՌՈՆԻ ՕՐՀՆՈՒԹԻՒՆ

Վեհափառ եւ Սրբազնագոյն Հայրապետ
ամենայն Հայոց Տ. Տ. Գեորգ Դ. Կաթող-
ղիկոս իպէտա Եկեղեցեաց Հայաստանեայց
կաթի Աստուծով Ս. Միւռոնի օրհնութիւն
կատարել ի 16ն Մայիսի ներկայ 1882
թուականի աստ ի Մայր Աթոռոջս ի Ս. Էջ-
միածին, որոյ վասն փութամբ ծանուցա-
նել համայն Հայկազուն եղբարց մերոց՝
հրաւիրելով զնոսա ի նոյն բաղձալի եւ
հոգեւոր մեծ հանդէս:

Հայաստանեայց Առաքելական Ս. Եկեղեցւոյ մեծապանծ եւ փառաւոր խորհրդաւոր արարողութեանց մին եւ գլխաւորն է Ս. Միլուծնի օրհնութեան շնորհաբաշխ հանդէս, ուստի անշնչտ եմք՝ զի սիրելի Աղգայինք մեր յամենայն կողմանց աշխարհի հոգեւանդն անձկանօք պիտի դիմեն արժանանալ նոյն վսեմ հանդիսին տեսութեան եւ շնորհաց մասնակցութեան, միանգամայն նաեւ բաղմադարեան շքեղափառ վկայից եւ պարծանաց Եկեղեցւոյ մերոյ Ս. Վայրացոս եւ անգին եւ սրբազան հնութեանց ուխտի եւ այցելութեան պարտքը հատուցանելով՝ մխիթարովիլ հրճուանօք ըստ հոգւոյ:

